

贈雲陽程仙

修行大畏是頑銅如着頑銅沒行功心起妄塵沉地府意常清
靜步天宮須依貧樂同顏子莫要慳貪愛鄧通學取終南師叔
馬赤窮窮地堵環中

贈鄭仙

捨俗幽居物外菴潛心滅迹絕論談妙除濁穢清貧樂用滌無
明淡素甘蓬戶不局何所礙一瓢常飲爲妄貪安神寂默脩然
坐認透星光日月三

贈韓家郎君在家修行

崇眞起善立玄堂謹奉朝昏兩炷香內侍孀親行孝道外持眞

道藏輯要

水雲集

二

胃集五

正合三光常行矜憫提貧困每施慈悲挈下殃他日聰明如省
悟也應歸去到仙鄉

贈門人安然子等

風子微言啓眾曹等閑休把氣神勞欲求海底成多寶須鍊山
頭絕一毫心逐有情傷氣火意遊攀愛害神刀願公早悟虛華
境免向人間再一遭

贈楊姑

投玄八十道姑楊一朶瓊花秋後芳玉盞滿添清靜水金爐須
爇慧靈香如今已獲將來福從此何疑過去殃寂湛虛堂無罣
碍自然寶鼎現霞光